



Mac. cl. Dr.

68556

68557

P

Epist.  
Erdor.  
Iy. ca.  
it. s.  
pico.  
In  
alman.  
Polono.  
russ.  
Metro.  
Polim.  
ingra.  
Lub.  
Varean.  
1720.



Wyniag od hr. Jozefa Tysskiewicza 1902



min

Chapt  
Ossol.

. 71

Ac



Ining esp. nre. Estr. xv, 318

*Reverendissimi  
Illustrissimi & Excellentissimi*

**LADISLAI  
ADAMI**

**Comitis ERDOEDY**

**EPISCOPI NITRIENSIS**

**Sacrae Cæsar. Regiæq; Catholicæ Majestati •**

**Sanctioribus Consiliis**

*Ad  
Centuriata Regni Polonici Comitia*

**LEGATI CÆSAREI**


**In  
Almam Polonorum Metropolim  
INGRESSUS**

*Et*  
**Admissionis**

**Ad Serenissimi Regis Alloquium**

***Relatio Historica.***

**Authore Gerardo Cornelio Driefschio.**

  
**Ad Exemplar Warschav. Excusum, Anno MDCCXX,**





68556.

I

fi  
o  
if  
d  
in  
li  
T  
g  
M  
d  
tu  
m





Um decretus noster fuisset ad consti-  
tutum diem solennis, & publicus  
in Urbem Varfaviensem ingressus,  
ac singulis Proceribus, Legati jussu,  
per Nobilitatem illius speciliater ad  
hoc invitatis, qui foras quoque e isto  
die prodierunt magna pompa, per  
Supremum Coronæ Mareschallum,  
sive Ensiferum is ipse indicatus, essentque in hunc finem  
ordinata omnia aliud ad extremum intercessit, quæ  
istuc eo tempore impeditum dedit. Itaque expectan-  
dum fuit, istuc donec fieret. Sic casu accidit, quod de  
industria factum multis credi posset, ut in VIII. D. Caro-  
li, a festa B. Martini luce, natione Hungari, Episcopi  
Turonensis, Præsul itidem, & Episcopus Hungarus, Le-  
gatusque simul Cæsareus solennem suum in Polonorum  
Metropolim ingressum celebraret. Pompæ totius or-  
do, ac series hæc extitit. Est haud procul Varfavia hor-  
tus suburbanus Regius, una cum domo haud admodum  
magna ad Veris amœnitatem delineatus, nondum omni

A

ex





ex parte perfectus, Mariæ Munda dicitur. Nobilis quædam Virago agnati nominis, æternis acta rationibus, prædium hoc quoddam suum cum modicis redditibus, nescio cui, religiosæ familiæ testamento moriens legarat, ab hoc nomen hodieque retinet. Regi deinde placuit inspecta loci commoditate, persoluto æquali pretio, assignatoque alio pro habitatione, & cultura solo, hortum ibidem, & Venatoriam domum construere. Huc primo diluculo sigillatim omneis & promiscue prodibant, qua via per novissimum suburbium ducit. Et quanquam Ujastdorpium alias sit, unde Legati omneis prodeant, ob viarum tamen lutum, & non intermissas longo tempore pluvias, hic Regi, atque Aulæ locus visus commodior fuit. Hora diei IX. vix sonuerat, cum Orator ibi quoque compareret, rheda vulgari vectus, elegantioribus illis, & ad festivitatem hanc ordinatis iam ante præmissis. Aderant jam modo Poloni aliqui, qui ipsum præverterant. Veniebant subinde Principum, Archi-Episcoporum, Præfulum, Palatinorum, ceterorumque Senatorum, ac Procerum, nec non aliorum Legatorum nobiliores Ministri cum ephebis, & longo famulantium comitatu, qui Oratorem fictione quadam Juris publici jam solum advenientem, honoris causa adirent, Dominorum suorum verbis salutarerent, ac promoventem postea ad Civitatis mœnia curribus suis, atque equitibus comitarentur, perque urbem in palatium suum deducerent. Perfrigida, nivosaque tempestas, quæ inciderat, cum serena ipso mane fuisset, nihil impediabat, quo minus sejugorum, equitumque ingens numerus foris videretur, debitum salutationis officium Maximi Cæsaris, ut eorum verbis loquar. Magno Legato  
per



perfoluturus. Qua parte gradus in hortum ducunt, currus hi omneis consistebant, quod ob difficilem ascensum, viasque nondum complanatas procedere longius non valerent; ut necesse singuli habuerint pedites recto succedere. Tota domus referta conspiciebatur Nobilibus Viris, ut Excellentissimum Oratorem, de cujus genere antiquissimo, specioso corporis habitu, promptitudine ad res magnas gerendas incomparabili, mansuetudine, humanitate, prudentia, munificentia, alacritate singulari multa per Poloniam acceperant, fama etiam pauciora, quam veritas ipsa volebat, sparserat, vel solum viderent; sic operæ suæ pretium omne ponebant unicum Gratosissimi Legati obtutum. In hoc ferre primas sic quisque laborabat, ut pene certarent, seseque comprimerent. Auditi quinimo sunt inter ipsos, qui longius exclusi ob multitudinem confertam, desiderio demum, & patientia victi exoptulando dicerent: quid facit hic apud nos, si se publico intueri illum gestienti non ostendat. In eo itaque horto postquam aliquot horarum moram duxissemus otiosi, advenissetque paulatim tempus ab Aula constitutum ingressus faciundi, prodit ab Rege missus, qui moris patrii, cerimoniarum, & dignitatum in Republica gnarus Purpuratorum currus in viam dirigat, & commonstret, quo quemque stare loco, quo movere oporteat. Tum vero res ita componi non potuit, ut omnibus satisfaceret. Pontificii Legati cum Coronæ Mareschallosive Ensisfero de primatu contendentes postulatio novæ dissensionis materiam præbuit. Miserat uterque digniores e Nobilitate sua, qui Oratorem consalutarent, & Ducatum simul in urbem præstarent, illi cum Oratoris currum, ac deinde Regium, antecederent.



tecedere proxime cogitarent, & hi istuc prætenderent, jussu Domini sui, universam, ut ajebant, Rempublicam referentis, Oratore tantum salutato domum, unde venerant, redierunt multis jam ante, veluti prævidissent antiquam denuo litem suscitandam, se excusantes, si ejusmodi casus accideret. Alii Comitatum Præsides, hic Starostarum Nomine cogniti, eandem de primatu litem inter se moventes, decisione non impetrata, quam sperabant, recedere suos pariter currus jusserant, quemadmodum etiam XXV. eorum, & his plures recesserunt, sic solis Senatorum, Ministrorum & aliorum Legatorum curribus sejugis deducti in urbem sumus. Horum numerabantur L. ut alii volunt omnino LVI. (Regius autem ad extremum tantum in via se junxit) Principium faciebat Lubomirski Obosniensis, extremo, ut dixi, loco is, qui Mareschalli erat, cernebatur Oratorios antecedens, CCC. propemodum Nobilissimi currum proxime anteibant, qui honorarium istuc agmen cum suis claudibat. Tandem procedebat Orator cum comitatu parum hic alias viso. Primi trahebantur ab equis generosissimis, divite ornatu instructis, hoc est, armatura inauratis fibulis gravi, loris aureis filis interstinctis, pendentibusque regalibus e capite fasciis, tres splendidissimi Oratorii currus; his pretium addebant statuaria, coronariaque opera, nobili metallo obducta, intus heteromallum, viola vel murice tinctum, aureis limbis superne, inferne, undequaque circumdatum plus prope in umbellis certe, rhedarii que sedibus, ut auri videretur, quam holoserici. Vitra purissima Veneta splendorem augebant, & lucem. Gentilitia Oratoris arma appicta omni ex parte legebantur. Curribus his tribus vehebantur  
Nobilis



Nobiles aliquot, Sacerdotes, domestici Oratoris Ministri,  
E posterioribus instabant alii equites, numero XVIII.  
decoris vestibus, ac phaleris conspicui. Proximi ibant  
Nobiles iterum aliqui, nec non Excellentissimi Lega-  
ti Medicus, & ipsi equites, aureo, argenteoque instru-  
ctu insignes. Sequebatur famulantium turba pedes,  
numero XLV. rubro vestitu argenteis lemniscis viola  
mixtis renitentes. Latus gladius argenteo manubrio  
pretiosus, caput pileus simili limbo incinctus, adhæren-  
tesque nodo tæniæ albæ, cæruleæque ornabant. Præ-  
cedebant cursores duo, levi, at holoserico rubro, argen-  
teoque vestitu distincti, ingentes caduceos manibus  
præferentes, quos prægrandes globi argentei, Legati in-  
signibus notati, armabant. Traversa corpus fascia fe-  
rica cærulea cingebat, eiusdem coloris tibialibus pedes,  
levibusque plantæ calceis stringebantur. Vittæ caput  
breves ambibant, unde antiquissima ERDÖDIANÆ Gen-  
tis arma auro, argenteoque, discriminata cum Sacerdo-  
tali, hoc est Episcopali pileo, defluentibus VI. latere  
ex utroque fasciis, emicabant. Denique sublimi in  
curru conspiciebatur Excellentissimus Orator ipse.  
Currus non alter huic similis erat, credi poterat Statu-  
aria certasse cum Pictura, quæ pretium ferret. Equi  
ex badio nigricantes, ferociter exsultantes, ignipedes,  
corio, loris, fasciis, fibulis, auro, toto instructu superbi,  
scire videbantur, quem portarent. Germanus ex he-  
teromallo amictus niger, eiusdemque operæ pallium  
corpus, annulus adamante refulgens digitum, pectus  
crux pallidis carbunculis rara, nuper admodum ab Augu-  
stissima Imperatrice, dum Posonii coronaretur, ipsius  
meritis data, caput galerus, viridi loro, auro intertexto,  
ob-



obvolutus, veneranda Excellentissimum Virum  
facies, suavitate mixta magis, quam cetera ornamen-  
ta omnia, ut ut insignia distinguebant. Ad la-  
tus obequitabat supremus stabuli Magister, vesti-  
tu pretioso Hungarico cæruleo, auratisque phaleris  
a ceteris discretus. Satellitum loco circumfun-  
debatur currus a VI. exquisitæ magnitudinis ex  
armentariis militibus, quos Heidones Hungari nomi-  
nant. Braccatam hanc, ocreatamque gentem ruber  
brevior ad lumbos thorax, Oratoris tessera, hoc est lim-  
bis e viola argenteis, descriptus, pallium oblongum ru-  
brum itidem argento dives exornabat. Gladium va-  
ginæ, & manubria argento contexta, alta capitis tegmi-  
na e panno nigro argenteis limbis circumdata, albis, cæ-  
ruleis, rubris struthionum plumis permixte decorata,  
turris in morem erecta majorem his stipatoribus splen-  
dorem conciliabant. Ad scamillum rhedæ scanforium  
ibat e famulis Senior, Oratoria & ipse tessera notus. A-  
gmen universum claudebant ephebi VI. equites, partim  
suæ gentis proprio, partim Germanico cultu induti.  
Color omnibus idem, similes in equis phaleræ rubræ ar-  
gento relucentes. Illos, quos Hungarica magis vestis dele-  
ctabat, suffulta candidis pellibus pallia, nigris maculis di-  
stincta, condecorabant. Hoc ordine processum ad modic-  
um spatii fuit, cum ecce Regio in curru equis VI. nigris  
tracto, IV. satellitibus VI. famulis Regiam tesseram, flavam,  
albam viola intermixtam ferentibus stipatus Oratori oc-  
currit Episcopus Chelmenfis, Fredro nomine, magni il-  
lius Fredri in Republica literaria notissimi, Agnatus, Sa-  
cerdotali habitu, hoc est, toga violacea ad pedes defluen-  
te, rubro assuto, & chlamyde breviori, pellibus martis  
Zibelinæ



Zibelinæ suffulta indutus, a Serenissimo Rege ad hanc functionem delectus. Ut primum se mutuo conspexere e rheda quisque sua, quanquam Orator non nihil tardius, descendunt, seseque consalutant, mox Chelmenfis Regiis Oratorem verbis alloquens felicem in has terras, & Imperii Polonici metropolim adventum gratulatur, cui Orator gratias agens de hoc officiosæ salutationis munere sibi præstito, brevibus, sed aptis in rem præsentem verbis respondet. Invitat eundem deinde Chelmenfis ad conscendendum currum Regium, quem continuo etiam ascendit, ubi Chelmensem obversum habuit. Regii satellites, famulique currum stipabant, sicuti ante, Oratorii præcedebant; ex hoc Legati currus ibant ordine jam plane inverso, sic, ut qui primi antea fuerant, nunc posteriores efficerentur. Media via in armis stabat Prætorianus pedes, qui Oratorem adventantem exciperet. Plateæ per quas incedebamus, luto repurgatæ conspiciebantur a superiori die, opera centenarum feminarum aliquot. Suburbia, & viæ omneis, ipsæque domuum fenestræ, & tecta sic repleta multitudine erant, ut civitatem extra pomoeria confluisse, novasque receptas in Urbem colonias credidisses intra duas portas decumanas suburbii novissimi, explicato Ordinis Polonici signo, cruce cærulea, rubicundo sin campo excubabant Bacholcki, Polonus miles. Portarum ipsarum pavementum lapideum subducere necesse fuerat, ut locum satis amplum, per quem transirent, Oratorii currus haberent. Eo ordine per hanc, quam dixi, portam, Civitatis medium, forum urbicum, fanum D. Joannis, & Aulam Regiam, unde Rex ipse per fenestram prospiciebat, excubitor miles sub armis ambulabat; præterveſti,



elati per Cracoviensem portam propter statuam Casimiri Regis, Cracoviense in palatium, mansionem nostram per dispositos gemino versu equites ferebamur. Deduxit Excellentissimum Oratorem in anterius cubile suum; in quo Augustissimi Cæsaris effigies sub umbella holoserica rubra, aureis lemniscis relucente, posita exstabat, Reverendissimus Chelmenfis, ille vicissim hunc, actis gratiis ad rhedam suam comitatus dimisit. Sed invitatus ab Oratore, brevi revertens, prandium apud eundem sumpsit cum aliis non nullis. Postero die qui incidebat, in XII. ejusdem mensis ad Serenissimi Regis alloquium vocabatur excellentissimus Orator per Abbatem Szaniawski Regno a secretis, Excellentissimi, & Reverendissimi Episcopi Cracoviensis Fratrem, qui Oratoriam in domum a Rege ad hoc mittebatur, ut deduceret. Idem ordo erat qui heri post occursum, idem currus Oratorii, iidem comites, eadem rheda, iidem equi Regii, iidem satellites, & famuli, nisi quod ephebi duo; qui hesternæ luce aberant, jam jungerentur. Diversa Oratorem vestis ex heteromallo oblonga opere coronario rara, pallium item oblongum purpureum, roseo subtexto nitens, exornabat. XV. iterum rhedæ Senatoriæ eodem præcedebant. In atrium palatii ubi ventum esset, e Legione Prætoriana pedite cohortes aliquot in armis videbantur vexillis passis Oratorem militari more salutantes; per gradus, ad quos eundem excipiebant de rheda descendentem e Nobilitate duo, versum duplicem faciebant Bacholcki, insertis in manuales machinas siccis observantiam Legato Cæsareo testantes: Per Conclave Senatorium idem præstabat Prætoriana e legione glandium missilium jaculatorum Princeps centuria.



turia, aquilas albas, hoc est, argenteas cum Serenissimæ  
Domus Saxonicæ insignibus acu eleganter pictis, auro,  
& coloribus varie distinctis, in capite portans, in ante-  
riori proximo conclavi, ad cujus januam M. Ducatus  
Lithvaniæ Succamerarius, sive Cubiculariorum Regio-  
rum in ea provincia Supremus, Comes Denhoffius, lo-  
lo Succamerarii Coronæ, Principis Lubomirski, qui ob  
imbecillitatem corporis aberat, Oratori prodibat cum  
Cubiculariis variis Regiis, pedestris cohors, eadem arma  
in baltheo ostentans, in secundo Nobiles equites vesti-  
bus rubris, argento opere Phrygio textis, cæruleo assu-  
to, venientem Oratorem militari instituto venerabantur.  
Tam referta autem erat in tertio Polonicæ Nobilitatis  
multitudo, ad videndum Legatum, & has cerimonias  
confluens, ut vix eluctari daretur. Hic depictæ per pa-  
rietes marmore contactos videbantur Regiæ Matronæ,  
Principes feminæ cum Serenisissimis Regibus aliquot,  
qui huic olim Imperio præfuerant. Inde in novissimum  
ibatur, ubi Excellentissimo Legato vix ingresso magnus  
Coronæ Poloniæ, & bini alii minores Ensiferi, sive Ma-  
reschalli ad medium cubiculi obviam procedebant, cla-  
vas ebeni e ligno fabricatas, gemmis, & unionibus di-  
stinctas dexteragestantes. In eo Purpuratorum, & Mi-  
nistrorum selectissimus flos conspiciebatur. Terni Ma-  
reschalli Legatum ad ostium cubiculi, in quo admitten-  
dus ad alloquium erat, deducebant, valvisque apertis  
solum cum Rege solo, non, ut Schafgotziana relatio  
memorat, Senatoribus circumfuso, relinquebant. Al-  
ba Regem chlamys in folio stantem circumdabat, ap-  
pictis in læva Regii Ordinariis insignibus, caput tectus  
Oratorem quoque stantem atque tectum audiebat. Tum




Orator breviter itineris sui rationem, & Augustissimi Cæsaris sanctissima, & integerrima pro Serenissimo Rege, & Illustrissima Republica consilia, sinceram ad utroque amicitiam, optimam, Constantissimamque, voluntatem, atque animum, adversus Serenitatem suam vere Cognatum, Fraternumque explicabat; Rex vicissim suæ erga Augustissimum Imperatorem & Serenissimam Domum Austriacam venerationis, amoris, fidei, constantiæ testimonium securissimum dabat. Ad extremum literas Augustissimi mandatis fidem adstruentes Serenissimo Regi Orator in manus consignabat, seque commendans Regiæ benevolentia, & favoribus priorem viam, priore ordine, priore Comite, prioribus ceremoniis relegabat; hoc solum excepto, quod in reditu X. Senatorii currus ægre per confertam multitudinem, & impletum rhedis atrium explicari potuerint, qui nos comitarentur; cum in accessu parte dimidia plures sint numerati. Exin non deserebat Legatum citius admissionum Minister, quam eundem in palatium ad interius cubile suum reduxisset. Orator gratias agens de labore, & humanitate hac insignita, ipsum pariter ad rhedam est profecutus, itaque finem huic solennem posuit.










Biblioteka Jagiellońska



stdr0025940



